

庶徵典第四十四卷

星變部彙考十八

唐

高祖武德元年五月六月太白晝見熒惑犯右執法七月土金水聚於井 按唐書高祖本紀武德元年五月太白晝見六月丙子太白晝見七月土金水聚於東井 按天文志五月庚午太白晝見占曰兵起臣疆六月丙子熒惑犯右執法占曰執法大臣象 又按志七月丙午鎮星太白辰星聚于東井關中分也 按舊志作六月三日熒惑犯左執法

武德二年三月土金水聚東井七月月犯牛九月太白晝見冬熒惑守五諸侯 按唐書高祖本紀不載 按天文志二年三月丙申鎮星太白辰星復聚于東井 又按志七月戊寅月犯牽牛凡月與列宿相犯其宿地憂牽牛吳越分九月庚寅太白晝見冬熒惑守五諸侯

武德三年十月星隕于東都 按唐書高祖本紀云云 按舊唐書天文志武德三年十月三十

日有流星墜于東都城內殷殷有聲高祖謂侍臣曰此何祥也起居舍人令狐德棻曰昔馬懿伐遼

有流星墜于遼東梁水上尋而公孫淵敗走晉軍追之至其星墜處斬之此王世充滅亡之兆也

武德六年熒惑犯鬼

按唐書高祖本紀不載

按天文志六年七月癸卯熒惑犯輿鬼西南星占

曰大臣有誅

武德七年六月熒惑犯右執法七月歲星犯畢

按唐書高祖本紀不載

按天文志七年六月熒

惑犯右執法七月戊寅歲星犯畢占曰邊有兵

武德八年九月熒惑入太微冬太白入南斗

按唐書高祖本紀不載

按天文志八年九月癸丑

熒惑入太微太微天廷也冬太白入南斗斗主爵祿

武德九年二月星孛于胃昴又孛于卷舌五月太白晝見六月經天木水合于井月犯氐太白晝見

七月八月俱晝見

按唐書高祖本紀九年二月壬午有星孛於胃昴丁亥孛於卷舌六月丁巳太

白經天己卯七月辛亥甲寅八月丁巳太白晝見

按天文志二月壬午有星孛於胃昴閏丁亥孛

於卷舌孛與彗皆非常惡氣所生而災甚於彗五月太白晝見六月丁巳經天己未又經天在秦分

丙寅月犯氐氐爲天子宿宮己卯太白晝見七月辛亥晝見甲寅晝見八月丁巳晝見太白金經

天者陰乘陽也 又按志六月己卯歲星辰合於東井占曰爲變謀 按舊唐書天文志九年

五月傅奕奏太白晝見于秦秦國當有天下高祖以狀授太宗及太宗卽位召奕謂曰汝前奏事幾累我然而今後但須悉心盡言無以前事爲慮

太宗貞觀二年天狗隕 按唐書太宗本紀不載 按天文志貞觀二年天狗隕於夏州城中

貞觀三年歲星入氐 按唐書太宗本紀不載 按天文志三年三月丁丑歲星逆行入氐占曰人

君治宮室過度一曰饑

貞觀五年填犯鍵閉 按唐書太宗本紀不載 按天文志五年五月填犯鍵閉占爲腹心喉舌臣

貞觀七年熒惑犯右執法 按唐書太宗本紀不載 按蕭瑀傳瑀進尙書右僕射七年以熒惑犯

右執法避位不許久之遷左僕射貞觀初房元齡杜如晦新得君事任稍分瑀不能無少望乘罅切

詆辭旨疏躁太宗怒廢于家

貞觀八年八月有星孛于虛危 按唐書太宗本紀云云 按天文志八月甲子有星孛于虛危歷

元枵乙亥不見 按冊府元龜貞觀八年十月彗星見帝謂羣臣曰天見彗星是何妖也祕書監

虞世南對曰昔齊景公時有彗星見公問晏子晏子對曰公穿池沼畏不深起臺榭畏不高行刑罰畏不重是以天見彗星爲公誠景公懼而修德後十六日而星沒臣聞天時不如地利地利不如人和若政德不修麟鳳數見終是無補但使百姓安樂朝無闕政雖有災變何損於時然願陛下勿以功高古人而自矜大勿以太平漸久而自驕怠慎終如始彗星未足爲憂帝曰吾之治國良無景公之過但吾纔弱冠舉義兵年二十四平天下未三十而居大位自謂三代以降撥亂之主莫臻於此重以薛舉之驍雄宋金剛之鷙猛竇建德跨河北王世充據雒陽當此之時足爲勦敵而皆爲我所擒及逢家難吾復決意安社稷遂登九五降服北夷吾頗有自矜之志以輕天下之士此吾之罪也上天見變良爲是乎秦始皇平六國隋煬帝富四海旣驕且逸一朝而敗吾亦何得自驕言念於此不覺惕焉懼矣溫彥博進曰昔宋公一言彗星三徙陛下見變而懼災其消乎

貞觀九年四月丙午熒惑犯軒轅 按唐書太宗本紀不載 按天文志云云

貞觀十年熒惑犯軒轅 按唐書太宗本紀不載 按天文志十年四月癸酉熒惑犯軒轅占曰熒惑主禮禮失而後罰出焉軒轅爲後宮

貞觀十一年熒惑入輿鬼 按唐書太宗本紀不載 按天文志十一年二月癸未熒惑入輿鬼占曰賊在夫人側

貞觀十二年熒惑入東井 按唐書太宗本紀不載 按天文志十二年六月辛卯熒惑入東井占曰旱

貞觀十三年三月有星孛於畢昴五月熒惑犯右執法六月太白犯東井北轅 按唐書太宗本紀十三年三月乙丑有星孛於畢昴 按天文志五月乙巳熒惑犯右執法六月太白犯東井北轅占曰并京師分也

貞觀十四年八月星隕十一月月入太微 按唐書太宗本紀不載 按天文志十四年八月有星隕于高昌城中十一月壬午月入太微占曰君不安

貞觀十五年二月熒惑犯太微六月星孛于太微 按唐書太宗本紀十五年六月己酉有星孛於太微 按天文志二月熒惑逆行犯太微東上相 又按志六月己酉有星孛於太微犯郎位七月甲戌不見 按褚遂良傳十五年帝將有事於泰山至洛陽星孛太微犯郎位遂良諫曰陛下撥亂

反正功超古初方告成岱宗而慧輒見此天意有所未合昔漢武帝行岱禮優柔者數年臣愚願加
詳慮帝寤詔罷封禪 按冊府元龜貞觀十五年六月有星孛于太微宮帝既罷封禪于是避正寢
減常饌申以祇誠星退乃復

貞觀十六年五月太白犯畢六月流星西南行太白晝見大星西流九月火犯太微十月犯左執法
按唐書太宗本紀十六年六月戊戌太白晝見 按天文志五月太白犯畢左股爲邊將六月戊戌
太白晝見九月乙未熒惑犯太微西上將十月丙戌入太微犯左執法 又按志六月甲辰西方有
流星如月西南行三丈乃滅占曰星甚大者爲人主

貞觀十七年二月熒惑犯鍵閉三月守心犯鉤鈴 按唐書太宗本紀不載 按天文志十七年二
月熒惑犯鍵閉三月丁巳守心前星癸酉逆行犯鉤鈴熒惑常以十月入太微受制而出伺其所守
犯天子所誅也鍵閉爲腹心喉舌臣鉤鈴以開闔天心皆貴臣象

貞觀十八年五月金水合于井流星出壁十一月月掩鉤鈴 按唐書太宗本紀不載 按天文志
十八年五月太白辰星合于東井占曰爲兵謀 又按志五月流星出東壁有聲如雷占曰聲如雷

者怒象 又按志十一月乙未月掩鉤鈴

貞觀十九年四月流星入北斗六月金水合于井七月太白入太微月掩南斗太白犯左執法 按唐書太宗本紀不載 按天文志十九年四月己酉有流星向北斗杓而滅 又按志六月丙辰太宗征高麗次安市城太白辰星合于東井史記曰太白爲主辰星爲客爲蠻夷出相從而兵在野爲戰 又按志七月壬午太白入太微是夜月掩南斗太白遂犯左執法光芒相及箕斗間漢津高麗地也太白爲兵亦罰星也

貞觀二十年歲星守東壁 按唐書太宗本紀不載 按天文志二十年七月丁未歲星守東壁占曰五穀以水傷

貞觀二十一年四月月犯熒惑十二月食昴 按唐書太宗本紀不載 按天文志二十一年四月戊寅月犯熒惑占曰貴臣死十二月丁丑月食昴占曰天子破匈奴

貞觀二十二年五月月犯右執法七月太白晝見填守井十二月太白犯建 按唐書太宗本紀二十二年七月甲申太白晝見 按天文志五月丁亥月犯右執法七月太白晝見乙巳鎮星守東井

占曰旱十二月辛巳太白犯建星占曰大臣相譖

高宗永徽元年二月熒惑犯井四月月犯五諸侯熒惑犯鬼五月太白晝見七月木金合于柳按唐書高宗本紀永徽元年五月己未太白晝見按天文志二月己丑熒惑犯東井占曰旱四月己巳月犯五諸侯熒惑犯輿鬼占曰諸侯凶五月己未太白晝見又按志七月辛酉歲星太白合于柳在秦分占曰兵起

永徽二年六月太白犯右執法九月犯心十二月太白晝見按唐書高宗本紀二年十二月乙未太白晝見按天文志六月己丑太白入太微犯右執法九月甲午犯心前星十二月乙未太白晝見

永徽三年正月太白犯牽牛歲掩上將二月熒惑犯五諸侯五月掩右執法十月流星貫北極按唐書高宗本紀不載按天文志三年正月壬戌太白犯牽牛爲將軍吳越分也丁亥歲星掩太微上將二月己丑熒惑犯五諸侯五月戊子掩右執法又按志十月有流星貫北極四年十月睦州女子陳碩真反婺州刺史崔義元討之有星隕于賊營

永徽四年太白晝見八月隕石按唐書高宗本紀四年六月己丑太白晝見八月隕石於馮翊十有八按五行志八月己亥隕石于同州馮翊十八光耀有聲如雷近星隕而化也庶民惟星在上而隕民去其上之象一曰人君爲詐妄所蔽則然

永徽六年七月歲星守尾火入鬼八月入軒轅按唐書高宗本紀不載按天文志六年七月乙亥歲星守尾占曰人主以嬪爲后己丑熒惑入輿鬼八月丁卯入軒轅

顯慶元年太白犯井按唐書高宗本紀不載按天文志顯慶元年四月丁酉太白犯東井北轅占曰秦有兵

顯慶五年二月熒惑入南斗六月犯之按唐書高宗本紀不載按天文志五年二月甲午熒惑入南斗六月戊申復犯之南斗天廟去復來者其事大且久也

龍朔元年六月太白晝見九月犯左執法按唐書高宗本紀龍朔元年六月辛巳太白經天按天文志九月癸卯太白犯左執法

龍朔二年熒惑守羽林按唐書高宗本紀不載按天文志二年七月己丑熒惑守羽林羽林禁

兵也

龍朔三年正月熒惑犯天街六月太白入井八月有彗星出於左攝提 按唐書高宗本紀三年八

月癸卯有彗星出於左攝提 按天文志正月己卯熒惑犯天街占曰政塞姦出六月乙酉太白入

東井占曰君失政大臣有誅 又按志八月癸卯有彗星出於左攝提長二尺餘乙巳不見攝提建

時節大臣象 麟德二年三月火犯井四月入鬼犯質 按唐書高宗本紀不載 按天文志麟德二年三月戊午

熒惑犯東井四月壬寅入輿鬼犯質星 按唐書高宗本紀不載 按天文志麟德二年三月戊午

乾封元年正月星孛太微八月火入東井 按唐書高宗本紀不載 按天文志乾封元年正月癸

酉有星出太微東流有聲如雷八月乙巳熒惑入東井 按唐書高宗本紀不載 按天文志乾封元年正月癸

乾封二年四月彗見東北五月熒惑入軒轅 按唐書高宗本紀不載 按天文志二年四月丙辰

有彗于東北在五車畢昴間乙亥不見五月庚申熒惑入軒轅 按唐書高宗本紀不載 按天文志二年四月丙辰

乾封三年正月乙巳月犯軒轅大星 按唐書高宗本紀不載 按天文志云云

此為試讀，需要完整PDF請訪問：www.ertongbook.com

總章元年四月丙辰有彗星出于五車避正殿減膳撤樂詔內外官言事 按唐書高宗本紀云云
按舊唐書天文志總章元年四月彗見五車上避正殿減膳令內外五品已上上封事極言得失許
敬宗曰星雖孛而光芒小此非國眚不足上勞聖慮請御正殿復常膳不從敬宗又進曰星孛于東
北王師問罪高麗將滅之徵帝曰我爲萬國主豈移過于小蕃哉二十二日星滅

咸亨元年四月月犯井七月火又入之月犯熒惑十一月西方流星有聲十二月熒惑入太微 按
唐書高宗本紀不載 按天文志咸亨元年四月癸卯月犯東井占曰人主憂七月壬申熒惑入東
井占曰旱丙申月犯熒惑占曰貴人死十二月丙子熒惑入太微 又按志十一月西方有流星聲
如雷

咸亨二年熒惑犯太微 按唐書高宗本紀不載 按天文志二年四月戊辰熒惑復犯太微垣將
相位也

咸亨五年六月壬寅太白入東井 按唐書高宗本紀不載 按天文志云云

按是年八月改元上元今照志分編

上元元年五月月掩昴八月太白犯進賢十二月歲星掩房 按唐書高宗本紀不載 按天文志

上元元年五月癸丑月掩昴占曰胡王死八月己酉太白犯進賢十二月癸未歲星掩房占曰將相憂

上元二年正月熒惑犯房十二月彗見角亢南 按唐書高宗本紀二年十月壬午有彗星出于角亢 按天文志正月甲寅熒惑犯房占曰君有憂一曰有喪

上元三年正月太白犯牽牛建子月月掩昴七月彗見東井八月月又掩昴 按唐書高宗本紀三年七月丁亥有彗星出于東井 按天文志正月丁卯太白犯牽牛占曰將軍凶七月丁亥有彗星于東井指北河長三尺餘東北行光芒益盛長三丈掃中台指文昌九月乙酉不見東井京師分中台文昌將相位兩河天闕也 又按志建子月癸巳月掩昴出昴北八月丁卯又掩昴 按冊府元龜上元三年七月彗星見于東井光芒長至三丈掃中台指文昌宮帝避正殿詔中殿徹膳太常停樂兼減食粟之馬遣使慮岐州及京城囚徒內外文武官各進封事勿有所隱

儀鳳二年太白犯軒轅 按唐書高宗本紀不載 按天文志儀鳳二年八月辛亥太白犯轅軒左角左角貴相也

儀鳳三年十月戊寅熒惑犯鉤鈴 按唐書高宗本紀不載 按天文志云云

儀鳳四年熒惑入羽林 按唐書高宗本紀不載 按天文志四年四月戊午熒惑入羽林占曰軍

憂

調露元年七月熒惑入天囷十一月流星入北斗 按唐書高宗本紀不載 按天文志調露元年

七月辛巳熒惑入天囷 又按志十一月戊寅流星入北斗魁中乙巳流星燭地有光使星也

永隆元年熒惑犯鬼太白晝見 按唐書高宗本紀永隆元年五月丁酉太白經天 按天文志五

月癸未熒惑犯輿鬼丁酉太白晝見經天是謂陰乘陽陽君道也

開耀元年九月有彗星出于天市 按唐書高宗本紀云云 按天文志九月丙申有彗星于天市

中長五丈漸小東行至河鼓癸丑不見市者貨食之所聚以衣食生民者一曰帝將遷都河鼓將軍

象

永淳元年五月辰犯軒轅九月熒惑犯鬼質十一月復犯鬼 按唐書高宗本紀不載 按天文志

永淳元年五月丁巳辰星犯軒轅九月庚戌熒惑入輿鬼犯質星十一月乙未復犯輿鬼去而復來

是謂句己

永淳二年三月有彗星出于五車 按唐書高宗本紀云云 按天文志三月丙午有彗星於五車

北四月辛未不見

睿宗文明元年

即武后光宅元年

七月彗出西方九月有星孛于西方 按唐書武后本紀光宅元年七月

有彗星出于西方 按天文志七月辛未夕有彗星于西方長丈餘八月甲辰不見是謂天攏九月

丁丑有星如半月見于西方月衆陰之長星如月者陰盛之極

中宗嗣聖二年

即武后垂拱元年

四月辰犯東井十二月月掩軒轅 按唐書武后本紀不載 按天文志

垂拱元年四月癸未辰星犯東井北轅辰星爲廷尉東井爲法令失道則相犯也十二月戊子月掩

軒轅大星

嗣聖三年

即武后垂拱二年

月犯軒轅 按唐書武后本紀不載 按天文志垂拱二年三月丙辰月復犯

軒轅大星

嗣聖十三年

即武后萬歲通天元年

歲星犯司怪 按唐書武后本紀不載 按天文志萬歲通天元年十一

月乙丑歲星犯司怪占曰水旱不時

嗣聖十五年

即武后聖曆元年

太白犯天關

按唐書武后本紀不載

按天文志聖曆元年五月庚午太

白犯天關天關主邊事

嗣聖十六年

即武后聖曆二年

熒惑入輿鬼

按唐書武后本紀不載

按天文志云云

按嚴善思傳聖

曆二年熒惑入輿鬼后問其占對曰大臣當之是年王及善卒

嗣聖十七年

即武后久視元年

三月歲星犯左執法十二月火犯軒轅

按唐書武后本紀不載

按天文

志久視元年三月辛亥歲星犯左執法十二月甲戌晦熒惑犯軒轅自乾封二年後月及熒惑太白

辰星凌犯軒轅者六

嗣聖十九年

即武后長安二年

熒惑犯五諸侯

按唐書武后本紀不載

按尙獻甫傳長安二年熒惑犯

五諸侯獻甫自陳五諸侯太史位臣命納音金也火金之仇臣且死后曰朕爲卿厭之遷水衡都尉

謂曰水生金卿無憂至秋卒后嗟異

嗣聖二十一年

即武后長安四年

熒惑入月鎮星犯天關

按唐書中宗本紀不載

按天文志云云

按

嚴善思傳長安中熒惑入月鎮犯天關善思曰法當亂臣伏罪而有下謀上之象歲餘張柬之等起兵誅二張

神龍元年三月熒惑犯天田夏歲入太微七月掩氐 按唐書中宗本紀不載 按天文志神龍元年三月癸巳熒惑犯天田占曰旱七月辛巳掩氐西南星占曰賊臣在內 按紀處訥傳處訥爲太府卿神龍元年夏大旱穀價騰踊中宗召問所以救人者武三思知之陰諷太史迦葉志忠奏是夜攝提入太微近帝坐此天子與大臣接有納忠之符帝信之下詔褒美賜處訥衣一副綵六十段與楚客並同三品進侍中

神龍二年閏正月月掩軒轅九月熒惑犯執法月掩軒轅十一月犯昴熒惑入氐十二月犯天江 按唐書中宗本紀不載 按天文志二年閏正月丁卯月掩軒轅后星九月壬子熒惑犯左執法己巳月掩軒轅后星十一月辛巳犯昴占曰胡王死戊午熒惑入氐十二月丁酉犯天江占曰旱

神龍三年三月流星有聲五月太白入鬼 按唐書中宗本紀不載 按天文志三年三月丙辰有流星聲如頽牆光燭天地 又按志五月戊戌太白入輿鬼中占曰大臣有誅